

LOU GALETOU

FAI RIRE TOU LOU MOUNDE E N'ENGROGNO DEGU
" PER DEHARGNA LOUS LEMOUZIS "

CINQUIEIMO ANNADO : LIMERO 2

FEVRIER 1939

DIE SO LOU LIMERO (no ve per mei)

Abounamen :

PER AN, NO PEÇO DE GEN SO

Directi, Redaci, Administraci :

LIMOGES, 21, rue d'Aisso, telef. 58-46

Chèque Postal : 127-53 Limoges




Photo Jové

Qu'ei dins no vieillo galeteiro qu'un fai lous meillours galefous :

Veiqui lo pàto dau galeitou dô mei de Février

LOU « HOMARD »	Francès.	CHAZ LOU MEDECI	Et Ruchaud.
ADI BICANAR I.	Lou viel Marsau.	LOU VENTRE SEI PLI	Jean Rebier.
NOTRAS VIEILLAS (chansou)	Francès.	LO MESO	Lou Feli.
Musico de Martial du Treuil.		LO PAJO DAUS AMIS	Foussinier.
LOU CURE DE SEN-GERY ET SOUN MERI-GLIER	Jose de Surdou.		
	ET DE LAS ZINZOUENAS		

O jour d'aüei, gn'io mouyen de re fâ sei n'automobilo, e, lo meita dô ten, no bouno voïturo de rencoun-
tro forio vôt'r'ofa. Soulomen, fô lo troubâ de confianço. Per coqui vouï sirei tranquilei en nan veire ô

Etablissements BERNIS

"Service des Occasions"

31, AVENUE DE TOULOUSE, LIMOGES

Voü li trouborei lo voïturo que vou fô, a d'un pri tout o fe rozounâble.

GRANDE PHARMACIE BRUNOT

35-30, Place des Bacs
LIMOGES



AUCUNE NE SERT MIEUX

Se bien pourta qu'el necessari,
Per lou piti, mai per lou gran,
N'a cha BRUNOT, lou Pouticari,
O mèi de lo plaço dô Ban.



TOUTES VENDENT PLUS CHER

Expédition par retour du courrier dans toutes les directions

LOU HOMAR

Lou curé dau Piti Moun
Aimavo bien ce qu'ero boun.
Lo Peirouny, so cousiniero,
No forto fenno, mai plo fiéro,
Li fasio de si boun dinà
Et sabio si b' lou soigné
Qu'ò ne voulio, per re ô mounde,
— Et de coqui, vous n'en repoude —
Se privà de so Peirouny,
D'ailours contento de soun nid.

Per un repà de counferenço
Li ribet, d'uno counseissenço
Que lou curé vio, dins Paris,
No beitiò ralo en queu país :
Qu'ero coumo n'ecarobisso,
Mèmo forme, mèmo pelisso,
Mà beucop pùs gros mai pùs grand
Et douas pôtas que coupariant
Lou gros det, si co lou trapavo.
Lo Peirouny n'en frissoumavo !
— Mà, disset-lo, paubro de Di,
D'ente diable po co veni ?
N'ai jamai vu beitiò parièro
Et ne sabe gro lo maniero
De lo doublà per lo servi !
— « Ne fasez pà entan lo pôto,
Et vous vei qui n'ô pito nôto,
Disset l'home que vio pourta
Que l'alimau bien maillouta.
Qu'ei n'homar, beitiò surcièro
Que seur roujo de lo brasiero
Si lo pauchò mai soun curé

N'an pà segu lou chomi dret :
S'is an tous dous, sur lo counceinço,
Lo mindro fauto, lo pus minço,
Nous iò sóbran, fasez tenci,
Co n'ei pà dôtout n'invenci ! »
O partiguet, sei re pus dire,
Et lo Peirouny de n'en rire !

Quand lous moussurs, bien attablàs
Recliamèren queu si boun plat,
Notro fenno channiet de mino :
Sur lo tablo de lo cousino
Lo vesio lou sal' alimau
Tant rouje coum' un cardinau :
— « Me que iò prenio per no farço !
O vio rosou queu fi de garço !
Penset-lo. Is vant ricanà
Si iò lou mettet sous lour nà...
Ne vole pà lou lour fà veire. »
Ma lou curé, tûtan soun veire,
Credet lei doune, d'un er gourmand :
« Allons, le homard, vivement ! »

Lo Peirouny, obaïssento,
Masso lou plat et lou presento :
— « Vei lou qui vôtre por d'omar !
Mà vous prenè per un fadar
De fà sachei a lo tablado
Coumo nous passen lo-veillado,
Et que deipei bientôt dous ans,
Ne fau qu'un liet en me levant ! »

FRANÇÈS.

LAS BOUNAS MEIJOUS

La fennas an toutes meitie d'une machino
a conseil.

Las meillours se troben chaz

JAYAT

18, rue du Consulat, Limoges

Un dans meillours pelougers de lo villo quei

MARTIAL LARODIE

13, rue Darnet, Limoges

V'autreis l'y troubaraz dans bijoux, de las
motras, dans reveils, de las pendulas et ô fai
tout a fé bien las reparacis.

Per vei de bounas récoltas, fô sennà de
bounas granas.

V'autreis las troubaraz chaz

L. VILLENEUVE
Marchand grainier

12, rue Othon-Péconnet, Limoges, Tél. 54-55

Lou peichadour bien arma soun mounta per

Pomi

Pierre VOISIN

lou spécialiste reputa per las gaulas las pù
soulidas. Qu'ei se que las mounto se mei mo.

Tout pour la pêche aux meilleures conditions

45, rue Adrien-Dubouché, LIMOGES

Que fô-co per eïssèi uroû di lo vito ?
No bouno santa.

No jento fenno.

No bouno machino de T. S. F.

Per vei lo santa fô se sugnà.

Per vei no jento fenno fô lo chierchà.

E per vei no bouno machino de T. S. F.

fô nà chà

H. GERMANAUD

20, faubourg des Arènes, Limoges

Vou sei segur de possà de boû mome si vou
volei fà tou ce que vou chanto lo musico
d'amour qu'un auvo di lo T. S. F.

Di queu mogosin, li se troubo ôci dô lustrei,
de fà lampà de chobei, de brovâ pitâ besugnâ
et de fà flour per rejôvi vôtro meijou.



Lous meillours peichadours, lous pus malens
paichen an lança, m' per reussi fô-vei daus
chios coumo fô, de las lignas et de las gaulas
expres. Per trouba tout ce que lous fai metiei
lour fô nâ chaz

COLOX, 8, rue Adrien-Dubouché
lo meillour mejou de Limoges per quelas
besognas. Lo paicho daibro, qu'is se depei-
chant !

Pour vous, mesdames et pour vos enfants :
poissons rouges, aquariums, bibelots divers.

LOU BOUN LIBREI !

LOU BOUN PAPIEI !

LIBRAIRIE PALISSON

E. DESVILLES, Succr, 5, place Fournier, Limoges. Tél. 27-52

Que parlo tabe patouei coumo françei

ADI BICANAR !

I erian qui trei pintrei de châ Guérin : Benassi, Lôriô
e Bridou que peichovan sur lou poun de Sen-Marti. Trei
boun drôlei que se fojan pâ de bilo. Lou câfe, sei ôblidâ lo
tôpero de cougna, que segue lou morende, lou vian metu en
jôyo. I erian preitei a se poya lo teito de qui que possovan.
Co fugue, per coumença, lo mai Chiedasso e so fillo.

— Adichâ, belo mai ! li disse Lôriô.

— Adi, brave gendre, li reiponde lo vieillo en rizen.

Aprêi, co fugue un bizouillaire, voré coum' un chopi-
touei, que posse.

— Ente va-tu, figuro de tramway ? li disse Benassi.

Lou bizouillaire ne reiponde pâ, ô ne counprenio pâ
lou potouei.

No minuto oprei, co fugue lou tour de Fourniau, n'an-
cien zouâve, que ne vio pô de re, ô se laissavo pâ mountâ
sur lou pei.

Bridou, qu'eitochavo un cliô de ligno, li crede :

— Adi bicanar !

Fourniau, que lou vio tropossa, se deivre e li disse :

— Qu'ei a me que tu parlâ ?

— E beleu be, disse Bridou.

— Tu sôbra, tourne Fourniau, que queu que parlo dorei
me parlo a moun dorei. Voû n'en â be meitiei dô bicanar,
salei vilau. Voû crevoriâ be de fan sei i. A-tu vu queu marco-
mau, queu feignan, que se vô fôutre de qui que li fan minjâ
dô po. Te reiponde que t'a l'er fi en to teito de bobouilli.
Tu siriâ tout-o-fe bien dî moun varjei per fâ pô a lâ margâ.

— Mâ beleu, reiponde Benassi, nou soun be tan fi
coumo te ?

— Mai te ôci, disse Fourniau, meita creva, ôreillâ de
countreven. T'ôria mier fa de garda to lingo per lo possâ en
caucoule que vole dire. Moun che è mou por discutorian mier
que te. Lou quitei conar que tu vesei lai, sur lo peichorio, te
boliorian de la leissoû de finesso.

— Oh ! per quello, disse Benassi, que se tenio en orei,
l'ei bouno... E tou trei de s'eipoufidâ.

— Te, viso l'autre nâ sâle, que vô ploçâ soun mou, se
ôci, chobe Fourniau. Plo, vou tourne dire, a tou trei que lou
quitei conar voû boliorian de lâ leissoû. Visâ coum' i marchen
sur l'aigo, noumâ en fozan nâ lour pautâ. E mier que co,
visâ lour couo qui secouden vivomen de drech' e de gauchô.
Vle, vle, vle, vle... Eissoyâ de n'en fa ôtan, trei fodar
que vautreî sei... A-tu vu quello clico de vilau que ne poden
pâ restâ châ i. Fô qui onan tou coufoundre ent' i passen,
e treblâ qui que trobaillen per lou nûri. Bendo de soligau
que vautreî sei !

E Fourniau partigue sur queu co en levan l'eipanolâ.

— Creze qu'ô voû o parla, lou bicanar, disse un bou-
chei que possavo dî so choreto e vio tout ôvi.

— Ah ! nou lou couneissen plo, lou jantoû. I visen de
bigouei qui de lo vilo quan-t-i passen châ i, disse Bridou. Per-
tan i sâben be sorâ l'argen qu'un i laisso quan-t-un li ve.

— Mâ, tourne lou bouchei, m'eivi quô o rozou vôtre
bicanar. Que lou pû molin de vautreî eissaye soulomen de
fâ coumo lou conar. Jomai ô li riboro.

LOU VIEI MARSAU.

HENRI ESDERS

O vend boun et boun marchâ et n'ien n'o per toutes las boursas
RUE ADRIEN-DUBOUCHÉ. A LIMOGES

No drollo que s'en vai en balado, bien maiado ei meta maridado !... Drollas, courez vite chaz

QUEYROI 7, boulev. Louis-Blanc, Limoges

per maiâ votre parpai !

Lou magasin ei toujours en brando de flour, coumo un vargei au mei de Mai !

NOTRAS VIEILLAS

Paroles
de FRANCES

Musique
de Martial du TREUIL.

Moderato bien rythmé

1^{er} Coupl. Las vieil-las que sount dô pa-ïs, Tout en brouchant caquo chaus-
-set-to, S'en vant fâ lou tour dô ve-sis Per tail-lâ no pi-to ba-vet-to. Las vieil-
-las 'que sount dô pa-ïs S'en vant fâ lou tour dô ve-sis. Las guignen de lo tei-to, Bran-
-len dô ba-bi-gnou. Qu'ei per ei-las no fei-to de pla-tus-sâ de tout. Las vieil- nous.

I

Las vieillas que sount dô païs
Tout en brouchant caquo chaussetto
S'en vant fâ lou tour dô vesis
Per taillâ no pito baverto,
Las vieillas que sount dô païs
S'en vant fâ lou tour dô vesis
Las guignen de lo teito,
Branlen dô babignou :
Qu'ei per ellas no feito
De platussâ de tout.

II

Las vieillas que sount dô païs
Saben toujours ce que se passo
L'an be lou tem de s'enqueri
En se levant las sount en chasso
Las vieillas que sount dô païs
An be lou tem de s'enqueri
Las guignen de lo teito
Branlen dô babignou
Qu'ei per ellas no feito
De s'enqueri de tout.

III

Las vieillas que sount dô païs
Ne manquen jomai n'assemblado
Las fan rire grands mai pitis
A chaque counte de veillado.
Las vieillas que sount dô païs
Amusen lous grands lous pitis.
Las guignen de lo teito
Branlen dô babignou
Qu'ei per ellas no feito
De fâ rire de tout.

IV

Las vieillas que sount dô païs
Sount toujours bounâ de service
Las sount preita per secouri
Que l'un travaille ô qu'un padisse
Las vieillas que sount dô païs
Sount qui preitâ per secouri.
Las guignen de lo teito,
Branlen dô babignou,
Qu'ei per ellas no feito
De nous aidâ pertout.

V

Las vieillas que sount dô païs
An lou respet de lo jônesso
Que ne set pâ tous lour avis
Mâ voudrio vei lour finesso.
Las vieillas que sount dô païs
Baillent toujours de bous avis
Las guignen de lo teito,
Branlen dô babignou,
Qu'ei per ellas no feito
De couseillâ sur tout.

VI

Las vieillas que sount dô païs
Quan las quittaran nôtro terro
N'iran segur ô paradis
L'an toutes vu prou de misero.
Las vieillas que sount dô païs
N'iran tout dret ô paradis.
En guignant de lo teito,
Branlant dô babignou,
Las se faran no feito
De prejâ Dî per nous.

Quelo chansou se ven châ JEAN LAGUENY, au dessus de lo Banco de Franço, a LIMOGES

Lou Curé de Sen-Géry e soun meriglier

A l'aimable *Pièrre do Fauro*, en reipounso a soun
counte de *Surdou* e de lo *Crouzillo*.

Sur lou co de là dou' òra apreï mieine, lou paï Marsau, d'ò
village d'Essudio, paròfio de Sen-Géry, fugue revelia per so fenno
qu'èrio molaudo deipei caque ten e que venio de se trouba
beuco pu mau.

— Marsau, disse-lo, levo-te vite, t'en preje, n'en pode pù,
vai-t'en queri lou cure per me confessa e me poutà lou boun Di,
m'èivi que sirai morto lou mandà a lo pico d'ò jour.

Notr' òme iò se fogue pà dire douà ve, ò partigue a co se,
qu'èrio bru, bru coumo di lo gorjo d'ò lou, prengue soun bàlou
de neplier e courgue d'uno lenado chà lou cure. Nòtre peïtre
s'avio coueja prou far, causo que Poletò l'ovio couvida lo velio
per eïdà minjà lou feje de soun gagnou ; n'avian gro minja lou
feje d'ò gagnou sei beure mai que de coutumo, tobe chacun de
soun coula vio lo teito en pau pesanto, e lou dermi prun, tobe
que lou paubre Marsau poudio pà revelia lou cure. A lo fi ò chobe
per deïbrì soun countreven e se fogue òvi.

— Que diable li ò co, crede lou cure, qu'un vegne entan
tulà mo fenecitro avan lou jour ?

— Moussur lou Cure, disse lou paï Marsau, vene vou chers-
chà per poutà lou boun Di a mo paubre fenno qu'èi bien mo-
laudo, lo siro beleu morto, quan riborai.

— Moun paubre, li vau na dobor, reiponde lou cure, e
per gagnà un momen, va t'en revelia Chareto, lou meriglier. Nou
parliran dei qu'ò siro preite.

Co fugue entau fa, dei que Chareto fugue revelia, s'en ane
trouba lou cure, d'ò ten que Marsau s'entournavo a lo meïjou
perpora co que fojo meïtiei per lo tristo ceremounio.

Lou cure e lou meriglier gueren t'ò prengu lou chomi de
l'egleijo ; ma, per li ribà, co ne fugue pa un pit' ofa causo que,
coumo iò sàben qui que counseissen nòtre poï, l'egleijo de Sen-
Géry-lo-Foureï se trobo juchado a lo cimo de lo mountagno, a
chier cen meïtrei pu nau que lou niveu de lo mer. Co n'èi gro
chauso bien raro di lou Lemousi, ma vautreï pensoreï, tobe coumo
me, que lou meriglier mai lou peïtre duguereï eïsseï abroca quan
tounovan dovola d'ò mountado per s'en a chà Marsau. Moù dou
goliar dovalovan doun tranquilomen sei se tro preïssà per prenei
lè, lou cure en loun boun Di qu'ò poutavo en beuco de respe,
lou meriglier en soun eichinlo mai so lanterno.

Entre lo Crou de peïro e lou village d'Essudio, se troubo no
vio assei prundo. Lou paï Mesirou avio tollia soun plai e vio
lessa lou boueïssou di lou chomi. Tou d'un co, lou meriglier que
se meïfiava pà mounto sur lou boueïssou, tounbo sur so lanterno
que crebe ; lou cure que venio de per doreï passo sur Chareto e
vai piqua lo teito dou meïtrei pu loin di lou boueïssou. Ne pou-
dian pù se deïgojā i erian presque estropiā ; lou cure disse :

— Meriglier, luno lo lanterno, ai perdu lou boun Di, lou
verian pù trouba.

Quan se fugueren remei un pan, tou plei de san, cherche-
ren lou boun Di, mà pougueren pà lou trouba ; foulio fa presque
no lego per tournā a l'egleijo ; co leur fosio degreu. Lou meri-
glier que n'èrio pa no beïtio se disse : nio mà no feïçon de me
serti de queu meïchan pà. Li ò de là robā di lo pesso a coula ; lo
fenno ei si malaudo, lo ne li counceitro re. Sitò di, sitò fa. O
coupo no pito lāmo de rabo bien fino.

— Vei lou-qui, Moussur lou Cure, figue-l'eu en bolian so
rabo ò cure...

Quan riberen a lo meïjou, lo mai Mimi ne poudio pa vei
lo le. Lou paï Marsau, que puravo, erio de jonouei d'ò peï d'ò lie
de so paubre fenno preïto a reçoïei lou boun Di. Apreï lo cere-
mounio lou cure balie a euminā a lo mai Mimi, mà lo paubre
fenno ne poudio pà l'avola.

— Ah ! disse-lo, votre boun Di sen a rabo.

— Paubre fenno, disse lou cure, sobio be que n'èiria pà
digne de lou recebre.

Lou paï Marsau ne pougue pu se refenci, se mete d'eïbezellā :

— Mo paubre feun' ei morto, lo deïparlo.

E moun cure e soun meriglier lou laisseren tou dou d'ò quello
tristo situoi.

Quant-i tourneren mountā, lou jour picāvo e lou cure disse
a Chareto :

— Auvo lou barjei de Julet que meno lo lebre.

Qu'èrio co ; Julet d'ò Mazodoreï, Jantou de Bos-Barra, qui
pelen òci lou Fran Tireur obe lou Fuma e lou cuirassier, n'avian
pa atendu lo cholour per coumença lo chasso. I venfan de deï-
grounā no gento lebre que lou chier sorovan de prei di lou momen
que lou cure e Chareto traversovan lou brau.

M'èivi que ne forio gro mau de vou parlā en pau de Fuma
avan de chobā mon istòrio. O vio no barbo que n'èrio pà si
bravo n'èi tobe penchéado que quello de *Pièrre do Faure* ; mà
l'èrio lounjo coumo quello d'ò Juïferran. O vio de l'òreïllā bour-
rudā coumo quelā d'un nicolar, d'un chovau obe d'uno buzo.

D'ò ten de lo tristo guèro de seïssanto-die, coum' un boun
Franceï e un fier Lemousi, lou Fuma se vio engoja di lou fran-
tierreur.

Un jour que lou ulan n'avan prenei un bour que so compou-
nio gardāvo, ò gue n'eïdeïo de geni : ò fogue virā a trover lou
chomi toutā là choretā de l'endre, e lou Prussien se retirèren tou
petou de ne podeï pà rentrā d'ò villo. Lou fran-tierreur recola
deïou, tueren mai que d'un ulan e leur fouteren no rudo peite-
lado.

Tournan a notr' istòrio.

Pan ! pan ! pan !..

Ah ! moù ami quello petado

Co n'en foute uno tanbourinado

Que notr' òmeï tounberen tou de cū

E mai d'un quar d'ouro ogueren lou sangū.

Tou coumo lou chossodour di lo « Lebre e lou ciriei » de
Pièrre do Faure, lou meriglier e lou cure tounberen tou dou de
pò. Lo lebre vengue s'enmolina di lo blaud d'ò cure, e lou chas-
sador que riberen sur lou co, crejan que lou cure leur fojo lo
blago en fan semblan d'eïsseï blesa, fouteren ò peïtre no bouno
peitelado, ò gran contentomen de Chareto lou meriglier.

Di quel' istòrio, tou lou mounde li troube soun counte : lo
fenno que vio minja lo rabo tourne gori ; lou barjei e lou fran-
tierreur tueren douā lebrei de mai. Lou chassador neren deïjūnā
chà Julet e lo Joneto fogue no sauco si lechodieiro que s'en leche-
ren là bobignā penden trei jour. Chareto vio ri coumo fò e n'io
mà lou paubre cure que ne troube gaïre a soun goù lo fièro pei-
telado que li baille lou fran-tierreur.

JOSE DE SURDOU.

(1902)

Un viei proverbe dit qu'a no bravo teito tout va bien.
Qu'èi beleu be vrai. Mā lous chopeus de chaz LEBUR fan
mier que co : mettez-lous sur no vorro teito, lo parei bravo !

La Chapellerie LEBUR
et
LEBUR-MODES

Rue Adrien-Dubouché
LES MIEUX ASSORTIS DE LA REGION

Lous astronômeis dous journaux se troumpen suven, mà lous
barometreis se troumpen pas, surtout quant is venen d'uno
meïjou de counfiāço coumo

GAUTIER-LAVIGNE

13, rue Saint-Martial, Limoges. Téléphone 51-63

Is troubarant dins quello meïjou de las lunettas de primier
choix et pas char per legi eïsa et sei peno l'amusant « Galetou ».

Tous les jours, dans toutes les localités de la région...

les TRANSPORTS " J. BERNIS & C^{IE} "

...livrent et ramassent toutes marchandises, pour toutes destinations...

CHIA LOU MEDICI

Loû curei, et loû medeci
Entenden de là reflexi,
Que, plo segur, nou forian rire,
S'i poudian nou là tournâ dire.
L'ai per omi un viei docteur,
Qu'ei instola d'in tin grô bôur.
Quoique soben, iô n'en reïpounde,
O ei simple per tout lou mounde.
Mâ, qui voudrio lou jovignâ,
Troporib vite sur soun nâ :
O ne manquo pâ de moliço,
Et se deifen quand un lou fisso.
Aleidoun, lo grandô Coti
Vengue châ se, l'autre moti,
Lour counsurtâ per soun meinagè.
— « O ei forti, et beu per soun age.
» O minjo bien. O deur très bien,
» Ne sufro de re, ei risen ;
» Mâ, moussur, ce que me trocasso,
» Ne sabe pâ ce que se passo,
» Sau votre respe, ô ei loin
» De fâ coumo fô souï besoin ! »
— « Boun ! din un cas de quello sorto,
» Qu'ei eisa de deibri lo porto ! »,
Dit lou docteur. « En qui cochei,
» Loû budeû tournorari sanchei... »
— « Nou !... Lo porto n'ei pâ borado...
» Meimo que fan n'ôro bujado ! »...
— « Boun ! Boun ! », disse lou medeci,
« Lo foueiro ? Veiqui no pourci »... (1)

— « Ah ! moussur, dit lo Cotorino,
» Fô cherchâ n'autro medecino :
» Tantôt sei vei lou ten de nâ,
» O fai tout din sâ molinâ.
» Tantôt lou paubr' o lo coulico,
» Et re ne seur de so boutico !
» Vou ne counprenei pas, beleu ?
» Tantôt, per iô mossâ, foudrio un choromeu,
» Quand lou ventrou s'en vai en foueiro !
» Tantôt qu'ei dur coumo no peiro,
» Et vou l'y mettriâ un momen
» Per iô cossâ en vôtrâ den ! »
— « Per co, reïpoun l'ôme de scienco,
» Iô me fie a vôtr' experienço :
» Recounse que, per no ve,
» Vous n'en sabeï pû loun que me ! »

E. RUCHAUD.

(1) Potion.

Gn'io pâ de pû jentâ fennâ que là Limousinâ.
Mâ là soun là reinâ do mounde quand là pourten dô
ornemen de chaz

VALÉRY, Bijoutier

45, RUE DU CLOCHER, LIMOGES

Di queu mogosin, diriâ que lou soulei li lusi lo ne coumo
lou jour.

NOUVEAUTÉS, DRAPERIES, TISSUS, etc...

LECOMTE-CHAULET

Place des Banos, 19-21, Limoges

Un m'o di, l'autre jour, que quello meijou tenio depei
cent-an. Beleu pâ tan. Mâ l'ei counegudo dî tou lou poi...
e pu loin denguerô.

Eimandi voulio veire lou potrou. Guei de lo peno a
possâ per nâ li parlâ. Li vio do mounde, dô mounde, diriâ
qui baillen tou per re. De vrai, per loû leinâgei, là nu-
ventâ, lo sedo, degu ne po li fâ coumo li. I chaten dô
moudelou de besugnâ a boun pri e tournen vendre a piti
benefice. Quei tou lou secre de lo meijou.

Nâ li no ve, voû li tournorei.

De là ve un chôsi de brave popiei per topissâ no chambrô :
Gnio dô ôseu, de brovâ flour, mâ lou soulei que tapo dessus e
lo poucheiro l'an tô bima.
Ei be un po eichivâ qui einei en prenan do popiei SANITEX
que ne channio pas de coulour e se lavo coumo no telo cirado.
Courez n'en chatâ châ GRANY, lou droguiste de lo plaço
dô Carmei.

Quand un o de bravas dens un ei toujours gente et un se
porto bien.

Per vei de bravas dens fô nâ trouba un boun dentiste :

Cabinet Dentaire R. Beyrand

38, rue Elie-Berthel

(Ras lo plaço daus Banos)

BOUS SOINS, BOUN TRABAI ET PAS TROP CHAR

Lou ventre sei pli

Per vei no counsurtoci
Dins de bounas coundicis,
Lo Margui, qu'ei finassiero,
Se vio douba de maniero
De rencountrâ, per hasard,
Lou medeci Ribo-Tard
Que sertio de chaz Coueinard.
Lo li risio per li plaire,
Mas Ribo-Tard n'aimo gaire,
Quant ô court ente un l'atten,
Quis que li rauben soun tem.
« Adi, Margui lo fricaudo !
Li credet-eu, moucandier,
Tas jôtas de peiroulrier
Ne sount pas d'uno malaudo,
Ni mais toun air auzelier.
Tant m'ier ! Iô m'en vaû, co praisso :
Ils m'attenden dau biaux d'Aisso. »
O vouguet pressâ lou pas,
Mas lo lou lachâvo pas.
« L'ai no mino qu'ei troumpablo,
Moussur, co pourrio m'ier nâ.
Minge bien a mous repas,
Mas quant me leve de tablo
Ne pode pus me trainâ.
Ai sur l'ertouma no boulo,
Me sente coumo sadoulo,
Moun ventre, sauf votre honneur,
Et tinda coum' un tambour ! »
Lo counsurto, sei meisounjo,
Fuguet « gratis » ma pas lounjo :
« Counsoulo-te, disset-eu,
Lou meu fai coumo lou teu ;
Et co sirio be doumage
Que dins lo flour de toun age
Toun bedoun, jamais rempli,
Faguesso déjà daus plis ! »

JEAN REBIER.

LO MESO

Lou sei de Carnavar, Jacou disset a Jose :
— Que payâ-tu ?
— Que voueis-tu que paye, viso lou diable au foun de
moun pouchou, repoudet l'autre en viran sas pochâs ; mâ ne
sirio-co pas toun tour de regalâ lous amis ?
— Saï ta raclia coumo te, moun paubre fan, quello pèço
de cin sôs ei touto mo fourtuno ; mâ t'en fasâ pas, counaisse
un mouyen de fâ carnavar san bourso delia ; tu n'âs mâ a
me sègre châ Cacoulet et a dire coumo me.
L'ami Cacoulet qu'is avian counegu au regimen tenio un
restauran ruo dau Poun-Nio. Cin minutas pus tard, lous dous
gaillards disian a Cacoulet :
— Fai nous un dina a n'en fa petâ las peus dau ventre !
— Damandet pas m'ier, autrei ayez doun fa n'eretage :
eico l'ouncle d'Americo o be lo tanti de Sen-Marti qu'an
defunta ?
— Noun gro, parlâ pas de malhur, mâ ecouto, disset
Jacou. N'an fa ne meso, Jase e me, e qu'ei queu que perdro
que payoro lou dinâ. Saï segur que co siro que l'einoucen de
Jase.
— Payarai si perde, mâ pas avant, n'ei-co pas, Cacou-
let ?
— Coumo de jurte ! Siclia autrei, un vai vous servi.
Et is sigueren bien servis : de las boudinas, de lo teito
de por, dau pâti de lèbre, n'endunlet, dau civet, un gigot et
de las favas sei parlâ de treis ô quatre froumageis et de bous
pâtis de frucho, lou tout bien arousa, vous en repounde.
Au deisser, i pelèren Cacoulet per trinquâ coumo se. Et
queuqui, en posan soun veire qu'o venio de siña, damandet :
— Et ôro, si nous parlavan de quello meso ?
— Eh be, moun viei, s'epoufigne Jacou, creurias-tu que
queu farçour de Jase o fa lo meso que lo boulo de Sen-
Micheu toumboro dau bai de l'Armouri ; per me io souteûne
que nou ; e saï segur de veï gagna lou dinâ, et t'en repounde,
qu'ero un boun dinâ.
— Fau lou paya, disset Cacoulet.
— Oui, disset Jose, mâ quand lo boulo siro toumbado !
Cacoulet atten toujours lou prix dau repâ.

LOU FELI.

MOTEURS ELECTRIQUES
tous usages
•
GROUPES ELECTRO-POMPES
•
MATÉRIEL ELECTRIQUE
AGRICOLE
"LAW"
•
Seul Concessionnaire
pour la Région :
EIS BOISMORAND
12, boulevard de la Cité, 12
LIMOGES — Téléph. 26-78

BEVEZ LOUS NUVEUS
SODAS LAPLAGNE
Pur sucre - Digestifs - Rafraîchissants

Is disen que tout ei char. Co n'ei grô vrai. V'autreis verrez
qu'un po vei no bravo garniture de chambro per pan d'argent,
si v'autreis âs lo bouno edeio, de nâ fâ no visito.

L'AMEUBLEMENT GENERAL (Union des Fabricants)
Limoges - Place de la Motte - Limoges

TOUT CE QUE CONCERNE L'AMEUBLEMENT
Tous genres - Tous prix

VERMOREL LAFARGE-MERCIER
BORDEAUX - LIMOGES
ROYALET
AUX FRUITS
QUINQUINA
DES GOURMETS
TONIQUE-FORTIFIANT

LO PAJO DAUS AMIS

V'autreis pondez creure que notre pus grand plasei qu'ei de legi lous mouts d'ecrit de notreis amis, remplis de coumplimens, d'encourajemens, de bouns counseis et aussi de bravas niorlas. N'en ribo lous lous jours un moudelou, noun pas solumen de Lemouzi et de Franco mas (per parlâ coumo lous journalisteis) de tous lous biais de l'Empire français : Algérie, Tunisie, Maroc, Madagascar, Tonkin, Sénégal, etc... Et dins beucop de lettras, nous trouben treis, quatre abounomens et daus timbreis de supplemen ! Merci à tout queu brave mounde. Entan nous poden paya l'imprimeire que credo toujous qu'ô ne gagno re. Crese be que n'autreis aussi n'an oblida de fâ fourtuno, mas nous soun prou hurous quand nous legissen que n'an reussi a dehargnâ lous Lemouzis !

Dins belomen toutes las lettras, un nous damando de mettre un pô mais de niorlas et mins d'anouncas, et no gento galetonniero Mlle P..., de D..., que nous fai de lo reclama dins soun village, iô nous disio aimablomen l'autre jour. Nous tendran counte de quel avis. Mas faut legi l'anouncas et chatâ quaucore chaz lous coumerçants que nous soutenen. Qu'ei l'anouncas que fan viore lou journau.

:: ::

Is m'an pas laissa beucop de plaço, et co me fai cremo de chôzi. Eitabe, apreï vei dit un grand marcei a tous lous amis que nous renvoyen daus abounomens et daus applaudissemens, iô depleje no touto pito pognado de lettras preisâ à l'hazard.

:: ::

Veiqui d'abord no moucandiero de Thiviers que se dit Lemouzin pur sang (et per moun armo, l'o plo l'air de vei dau sang, lo bougro !) et que damando mignardomen a Francès de li erpicâ coum' un fai lous galetons. L'o lou « peilou » mais lo « patelo », li manquo mas lo maniero de s'en servi, et l'embrassoro Francès lou jour de l'an per so peino. Iô counseille a Francès de fâ l'ertitulour : m'eivi que l'ecouliero o bouno teito !

:: ::

Un jone soudart, L. M..., à T..., nous counto no bravo zerto qu'ô fagniet a soun toubib, et coum' ô gagniet cinquant francs en visant un vorre « Prussien », mas de pô d'esseï puni, ô ne vô pas que nous iô tournan dire. Qu'ei doumage !

:: ::

M. R. R..., de Saint-Meard, que fai tant rire las drollas de soun village en leur legissant « Lou Galetou », nous counto lou malhur d'uno jôno bargeiro que n'avio jamais vu de cirier en flour. Nous n'en an ri a parpâ deboutouna, mas qu'ei tant que trop brave per esseï imprima !

:: ::

N'autro niorlo plasento ei quello que nous dit lou piti Jan et que se pelo « Lou galeton de lo Cati ». Quand nous faran « Lou Galetou pebra », nous countoran coumo lo gento Cati s'avio servi d'un galeton en guiso de coumbinesou. Lou fatour que lo viguet entan billâdo disio que jamais ô n'avio re vu de si brave. Nous n'en douten pas !

:: ::

Mlle P. B..., de Limoges, nous counto qu'en se permenan dins lo ruo dau Clucher, lo viguet l'autre jour no bouno vieillo, que parlavo touto soulo devant lo porto d'un magasin. « Djâ, l'hôme, fasio-lo, cambe queu bouci de telo ? ». Mas l'hôme ne repoundio pas per mour que qu'ero un babou de bouci. Lo veillo chabet per se fâchâ et partiguet en sampounan. Dins queu momen un emplya sertiguet, plo affable, mas lo li disset sei se devirà : « N'aime pas qu'un se mouque de me. Votre moussur, que fai

tant de breno, n'o pas vougu me repoudre, m'en vaû aillours ! ». Et lou paubre emplya badavo lou be coumo n'einoucen.

:: ::

Un ami de Bourdeu nous escri que sa fenno ei abounado sei vei paya. Qu'ei poussible. (Nous saben n'endret ente toutes las drollas soun abounadâs dins quelas coundiceis. Qu'ei lous garsoûs que leur an fa queu plasei.) Notre Bourdelais douto quaucore galant. Qu'ei beleu be vrai, mas si lous lous galants fasian entan, « Lou Galetou » s'en plaindrio pas !

:: ::

L'ami A. V..., de Saint-Yrieix, nous dit qu'ô fuguet temoin, l'autre jour, d'un brave counours tout perfuma de vignouis et de lavâs, Lioni et Tistou fasion, apreï un boun dinâ, a quen que « pouchorio » lou mier. Tistou n'en foulet per coumença sei pouchodas qu'aurias dit de lo telo qu'un essebro, o be un chat que miaûno. Mas Lioni ero pus fort, aurias dit daus cops de canou, lous carreus n'en tremblovan. Tistou, que countavo lous cops, quand ribet lou septieme tournet dire « sei » per mour qu'ô ne voulio pas vei perdu. Mas Lioni, en coulero, disset : « Eh be, si co te suffi pas, nous van tournâ coumençâ ! ». Et lou paubre Tistou que n'avio re pus dins lou ventre fuguet oblîja de cabitula.

Lo moralo de quel historio, nous dit A. V..., qu'ei qu'un ne deû jamais pouchâ pus naû que soun... nâ. Et qu'ei plo vrai !

FOUSSINIER.

Lou mouquandier mouqua

Lauren de Grato-Loubo ovio nâ a lo feiro de lo Sen-Lup. Quant ô aguet dejûna ô se mietter a se permena en visant las bouticas.

O ribo davant un grand magasin ente un vendio tout erpeço de besugnâs.

O se prâimo de lo davanturo et viso ce que lio darei.

Lou patrou lou couvido a rentrâ per mier veire.

Lauren que ne voulio re chatâ, n'ôrio pas vougu rentrâ mâ ô n'auso pas fâ, ô rentro per tuâ lou tem.

Sei se pressâ, ô fai lou tour dau magasin, viso tout et vô tournâ serti, mâ lou patrou li damando :

— Eh be, â-vous trouâ ce que vous fô ?

— Noun gro, repound Lauren, iô voudro de las piâs de rateu, n'en vese pas.

Lou patrou que penso vei a fâ a quaucou toucassou (1) li di per se mouquâ :

— Nous ne tenen pas quelas besugnâs, mâ nous venden beucop de teitas d'âne.

Lauren qu'ei deijâ deforo se viro et repound :

— Iô vese be, moussur, que vous n'en vendez beucop, n'en resto mâ uno dins votre magasin.

CHARLES DE L'ÉTANG.

(1) Toqué.

Tout lecteur dau GALETOU que nous envouyoro cinq abounomens o be cinq renouvelamens, oro dret a un abounomen per re. Pensaz-li !

Imp: RIVET, 21, rue d'Aixe, Limoges

Le Gérant : François BEYRAND.